



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1710**

8. Dies Augusti. Totum quod es illi debes, à quo totum habes.

**urn:nbn:de:hbz:466:1-45477**

Augustus.

Tessera.

reddidit. Ante usum enim, & munificentiam liberalitatis  
partes. Aliena liber est quispiam, beneficiorum scenore non gra-  
Cesar. Coguntur autem omnes ipsa conscientia sua ad  
orere. Compensationem vicissitudinis, postquam ceperint debi-  
ficium. Hinc audi salubria suadentem:

Gratia quando datur, studeas ut restituatur.

8. DIES AUGUSTI.

Totum quod es illi debes, a quo totum habes. S. Ber-  
nardus. serm, de 40. debet.

Gratu- I. **O** Homo, quam immersus es  
do erga undique Beneficentiâ Dei!  
Deum. Quidquid agit, beneficium  
est, & illud tuum est benefi-  
cium. Natura Dei ideò est beneficia; quia nihil extra  
se potest agere, quod non sit beneficium: & benefi-  
cium, quod uni confert; non solùm illi, sed omnibus  
conferre necesse est. Velut lumina, ipse Pater lumi-  
num, diffundit sua munera; quia sine diminutione  
sui communicatur omnibus, & pro omnibus. Quid-  
quid jaculatur Sol, lux est; omnes per illam videre  
possunt, nisi claudant oculos. Quidquid efficit Deus,  
beneficium est; & per illud omnes sibi prodesse pos-  
sunt, nisi sint vel maligni, vel infani. Pulchrè de illis  
beneficiis S. Bernardus (a) *Ecco in lanuis est, qui fecit  
calam & terram, & Creator tuus est, & tu creatura: tu  
seruus, ille Dominus: ille figulus, tu figmentum. Totum  
ergo, quod es, illi debes, a quo totum habes: qui & te fe-  
cit, & benefecit tibi, qui tibi ministrat siderum cursus,  
a quibus arvis temperiem, fœcunditatē terre, fructuum uberta-  
tem.* Non minùs nervosè S. Augustinus: (b) *Confiteor*

Q 9 4

tibi

[a] supra [b] Soliloq. c. 28.

tibi beneficia tua magna, quoniam eripuisti me de inferno inferiori semel, & secundo & tertio, & centies & millies, & ego semper ad infernum tendebam, tu me semper reducebas.

II. Dedit se Deus optimo modo, in socium, in patrem, in cibum: obtulit se in viam, ut rectè ambulares in Magistram, ut rectè credas; in vitam, ut mortem evadas. Hoc ipsum asserit S. Anselmus; [a] Imperator ut Deus: terret, ut Dominus: protegit, ut custos: beatus ut Pater: docet, ut Magister: cohabitatur, ut frater: nutritur ut Mater: blanditur, ut amicus: amplectitur, ut sponsus: illustratur, ut Veritas: praevenitur, ut Veritas: se manifestat ut Lux: loquitur, ut Verbum: dicitur ut Sapiencia: salutemque praestat, ut vita. Tantum beneficia compensare velle, est benefactorem non satis cognoscere; compensare nolle, est eundem contemnere. Agnosce saltem, te totum quod habes Deo debere. Redde totum, quod es, & tamen necdum reddidisti, quod debes. Dedit se totum tibi: qui totum laboravit, ut te lucraretur sibi. Cave oculis, cave auribus: attende ori attende operi. Tua non sunt Dei tui sunt. Furtum est, rapina est, quando alii se vivunt, quàm ei, à quo, & propter quem facta sunt. Audi igitur consilium, & sequere monitum S. Augustini dicentis: [b] Sicut nulla hora est, vel punctum in omni vita mea, quo tuo beneficio non utar: sic nullum debet esse momentum, quo te non habeam ante oculos in mea memoria, & te non diligam ex omni fortitudine mea. Quid interim faciam? Ingratus esse non debeo, gratus esse non valeo. Faciam, quod mihi facere, est integrum, supplebo votis; quod non possum factis.

[a] De Humil. c. 46. [b] Soliloq. c. 18

III. Itaque opto tot corpora, quot sunt arenae in litore maris, tot animas, quot sunt momenta in tempore, eademque tibi in momenta singula offerre. Quod quidem, dum facio, quid quaeso tandem ad beneficia tua? Ah! tantum tibi debeo, quantum tu ipse vales: Gratum tamen me esse jubes. Eja ergo, mi Jezu, faciam, quod jubes; dabo, quod habeo, quod possum consigno tibi: quidquid in me est optimum, & solum meum, totam meam libertatem, & voluntatem, quam deinceps non ut mea, sed tua utar: nihil cogitabo, amabo, desiderabo, quam, quod placitum est tibi. Maloque caecus esse, quam videre, quod oculis tuis displicet, mutus esse, quam loqui, quod aures tuas offendit: sine corde esse, quam te non amare: non tibi vivere. Sed & haec, cum Deo obtuleris, quid ei offers, quod non sit magis ejus, quam tuum? Audi igitur, quid in hoc argumento dicit S. Bernardus: (a) *Cum ei donavero, quidquid sum, quidquid possum: nunquid istud sic est? sicut stella, ad solem; gutta, ad fluvium: lapis, ad montem: granum, ad acervum? Non habeo, nisi minuta duo, imò minutissima: corpus, & animam: vel potius unum minutum, voluntatem meam, & non dabo illam ad voluntatem illius, qui tantus, tantillum tantis beneficiis praevenit: qui totum se tantum me comparavit? O! quam praeclare hic A. Anselmus: Certè Domine: qui me fecisti, debeo tibi amoris tuo me ipsum totum, & quia me redemisti: Debeo tibi ipsum totum, quia tantum promittis, me debeo me ipsum: tantum, imò tantum debeo tibi amoris tuo, plus quam me ipsum: quantum tu es major me, pro quo dedisti te ipsum, & cui promittis te ipsum. Age igitur gratias pro tot gratiis. Da*

Q. 5

aeternae

(a) Suprà.

æternæ Charitati, quidquid tibi in mundo est charum, à quo habes, quidquid tibi est charum. Et ministeris illius metri:

*Pondus curarum facit hic, qui dat mihi charum.*

## 9. DIES AUGUSTI.

Semper illi gratias agere studeamus, à quo gratia gratis datur. *Sanctus Augustinus de verb. Dom. Sermon. 8.*

Dei in I.  
nos be-  
neficia.

**Q**uidquid accipimus à Deo est gratia; quia datur gratis; unde omnis nostra respiratio deberet esse continua gratiarum actio. Si ignoras Dei beneficia, accipe hic eorum Catalogum, quo omnia rediguntur in fasciculum. Anima, creatione, Dei imago est; Redemptione, Dei ancilla est; Justificatione, Dei filia est; Adoptione, Dei hæres est; in habitatione, Dei Templum est, dilectione, Dei amica est; desponsatione, Dei sponsa est; adhæsiōne ad Deum, unus cum eo spiritus est, infusione gratiæ, Divinæ consors natura est; sanctitate, Dei paradus est, cui delitiæ sunt, esse cum filiis hominum. Hæc tanta beneficiorum cumulatata congeries quid aliud clamat, quàm trina illa verba: *Accipe: Redde: Cave.* Accipe, Beneficium. Redde, obsequium, Cave, supplicium. Beneficium, quod tibi in rebus omnibus conditis exhibet; Obsequium, quod ei, qui dedit tibi omnia, infinitis titulis debet; Supplicium, quod ut ingratus incurris, Deum agnoscens, nec ei gratias agens. Oportet ergò, Deum sine intermissione laudare, (a) *In prosperis*, (ait Augustinus

(a) *Sup. illud To, in die repleatur.*